

煖酒淋洗瘡上日三易

聖惠方治蛇入口并入七孔中

割母猪尾頭瀝血滴口中卽出

治卒入山草禁辟眾虵藥術方第五十八

辟眾虵方

同前姚氏仙人入山草法

辟虵之法雖多唯以武都雄黃爲上帶一塊右稱五兩於肘間則諸虵毒莫敢犯

他人中者便磨以療之又帶五蛄黃丸良丸有蜈蚣故方在於備急中此下有禁法云不受而行則無驗

道藏輯要

肘後備急方

三

虛集十一  
川文川

虵毒勿渡水渡水則痛甚於初螫

亦當先存想作大蜈蚣前已隨後渡若乘船渡不作法殺人入山並不得呼作虵皆喚爲虵中之者彌宜勿誤辟虵法到處燒殺羊角令有烟出虵則去矣

附方

廣利方治諸虵毒螫人欲死兼辟虵

乾薑雄黃等分同研用小絹袋貯繫臂上男左女右虵聞藥氣逆避人螫毒傳之

治卒蜈蚣蜘蛛所螫方第五十九

葛氏方割鷄冠血塗之

又方以鹽緘瘡上卽愈云蜈蚣去遠者卽不復得  
又方鹽熱漬之

又方嚼大蒜若小蒜或桑樹白汁塗之亦以麻履底土揩之良  
蜈蚣甚齧人其毒殊輕於蜂當時小痛而易歇蜘蛛毒

生鐵衣醋研取濃汁塗之又烏麻油和胡粉傅上乾復易取  
差取羊桃葉傅之立愈

附方 蚯蚓蠅蝮蠶咬蠮螋  
尿及惡蟲咬人附

梅師方治蜈蚣咬人痛不止

獨頭蒜摩螫處痛止

又經驗後方燒雞屎酒和傅之佳又取雞屎和醋傅之

道藏輯要

肘後備急方

毒

虛集十一

聖惠方治蜈蚣咬方

用蝸牛擦取汁滴入咬處

兵部手集治蜘蛛咬遍身成瘡

取上好春酒飲醉使人翻不得一向臥恐酒毒腐人須與蟲  
於肉中小如米自出

又譚氏小兒方以葱一枚去尖頭作孔將蚯蚓入葱葉中緊捏  
兩頭勿洩氣頻搖動卽化爲水點咬處差

劉禹錫傳信方治蟲牙傷咬

取大藍汁一椀入雄黃麝香二物隨意看多少細研投藍中  
以點咬處若是毒者卽詳細服其汁神異之極也昔張員外

在劔南爲張延賞判官忽被斑蜘蛛咬項上一宿咬有二道赤色細如箸繞項上從胸前下至心經兩宿頭面腫疼如數升盃大肚漸腫幾至不救張相素重薦因出家資五百千并薦家財又數百千募能療者忽一人應名云可治張相初甚不信欲驗其方遂令目前合藥其人云不惜方當療人性命耳遂令大藍汁一甕盃取蜘蛛投之藍汁良久方出得汁中甚困不能動又別搗藍汁加麝香末更取蜘蛛投之至汁而死又更取藍汁麝香復加雄黃和之更取一蜘蛛投汁中隨化爲水張相及諸人甚異之遂令點於咬處兩日內悉平愈但咬處作小瘡痂落如舊

道藏輯要

肘後備急方

毒

虛集十一  
川上上

經驗方治蜘蛛咬遍身生絲

羊乳一升飲之貞元十年崔員外從質云日擊有人被蜘蛛咬腹大如孕婦其家棄之乞食於道有僧遇之教飲羊乳未幾日而平

又方治蚯蚓咬

濃作鹽湯浸身數徧差浙西軍將張韶爲此蟲所咬其形如大風眉鬚皆落每夕蚯蚓鳴於體有僧教以此方愈

又方治蚯蚓蟲咬其形如大風眉鬚皆落以石灰水浸身亦良

聖惠方主蚰蟥咬人方



以雞屎傅之

又方治蠮螋咬人

用石灰醋和塗之

廣利方治蠶咬人

麝香細研蜜調塗之差

千金方治蠮螋尿瘡

棟樹枝皮燒灰和猪膏傅之

又方杵豉傅之

又方以酢和粉傅之

又方治蠮螋蟲尿人影

道藏輯要

肘後備急方

去

虞集十一  
川人父

著處便令人體病瘡其狀如粟粒累累一聚慘痛身中忽有  
處燥痛如芒刺亦如刺蟲所螫後細瘡癩作叢如茱萸子狀  
也四畔赤中央有白膿如黍粟亦令人皮急舉身惡寒壯熱  
極者連起竟腰脇胸也治之法初得磨犀角塗之止

博物志治蠮螋蟲溺人影亦隨所著作瘡

以雞腸草汁傅之良

外臺祕要治蠮螋尿瘡繞身匝即死

以鷺巢中土猪脂苦酒和傅之

又方治蠮螋尿瘡

燒鹿角末以苦酒調傅之

錢相公方療蠅蝮尿瘡黃水出

嚼梨傅之乾即易

勝金方治蠅蝮尿人成瘡初如糝粟漸大如豆更大如火烙癩  
疱疼痛至甚宜速用草茶并蠟茶俱可以生油調傅上其痛  
藥至立止妙

聖惠方治惡蟲咬人

用紫草油塗之

又方以酥和鹽傅之

治卒蠱螫方第六十

以玉壺丸及五帖丸塗其上並得

道藏輯要

肘後備急方

卷

虛集十一

其方在備急丸散方中

又方取屋雷下土水和傅之

治卒蜂所螫方第六十一

蜂螫人

取人尿洗之

又方穀樹桑樹白汁塗之並佳

又方刮齒垢塗之又破蜘蛛又黃蜂房塗之燒牛角灰苦酒和  
塗之又斷葫指之又嚼青蒿傅之

附方

千金方治蜂螫人